

შრომა

სურათებიანი დამატება

დამატების № 18.

ხუთშაბათი, 8 ივნისი, 1906 წ.

გვერდი № 52

მარსელნი.

(საფრანგეთის რევოლუციის დროის მოთხრობა)

ფელიქს გრასი.

(შემდეგი*)

გათენებისას სიმღერით: „შევიარადეთ, მოქალაქენო“. გავიარეთ ერთი ქალაქი, რომლის სახელიც აღარ მახსოვს. აქ მეფის ჯარს გზა უნდა გადაეღობნა ჩვენთვის, მაგრამ ქუჩები ცარიელი იყო და კვლიც არსად არ ჩანდა ჯარისა. სამატამ გაშალა თავისი დროშა და, რა კი ვერაფერს დაინახა, მივარდა შეშინებულ დარაჯს საყდრისას და დროშაზე ამოხვევინა.

მთელი დღე დაუსვენებლად მივდიოდით, მხოლოდ ერთხელ შევისვენეთ წყაროსთან რამდენისამე წუთით, რომ წყურვილი მოგვეკლა და დავნაყრებულყავით. საღამოზე ქალაქი სენსი გავიარეთ, არც იქ შეგვისვენია.

ამრიგათ შეიდი დღე და ღამე ვიარეთ: ზოგს ჩვენგანს ხელ-ფეხი დასისხლიანებული ჰქონდა და დაღალულობისაგან ყველანი ტორტოშინებდნენ, მაგრამ არავინ არ იმჩნევდა და მარსელიეზის სიმღერით ვიმხნევედით თავს. ბოლოს პური და ნიორი გამოგვეღია და ძალა-უნებურად დავბანაკდით მემონის გაღავანთან. ქალაქის მმართველებმა დიდკაცობა გამოიჩინეს—პირველში არ დაგვეხმარნენ, სამი საათი მშვიგრები დაგვყარეს და შემდეგ თითო კაცზე ორ-ორი პური დაგვირგეს.

მუასონმა დაგვირიგა ეს პური და გვითხრა:

— მეგობრებო, ეს უკანასკნელი საგზაო სურსათია, ორი დღის შემდეგ იგემებთ პარიზის პურს და შემდეგში თქვენ კი არა, თქვენი მტანჯველნი დაიშვებიან.

ასრულდა იმისი სიტყვები.

ტყის ჩრდილოში შევისვენეთ და უცბად შორიდან მოგვესმა უცნაური გუგუნო.

— ეს უთუოდ აქ ახლო-მახლო ფუტკრის გუნდი მიფრინავს,—სთქვა ერთმა ჩვენგანმა. ყველამ მივიხედეთ.

— არა, მიწა იძვრის.—სთქვა მეორემ.

— უბრალო რამ არის, მიწის ძვრა ასე ხანგრძლივი არ იქნება,—შენიშნა მესამემ.

— აბა მიწას ყური დაადეთ,—გვითხრა მეოთხემ,—შორიდან ისეთი ხმა ისმის, თითქო ხალხის ღრიანცელია და ზარბაზნის სროლა.

— არაფერიც არა არის.რა, აქ სადმე ჩანჩქარია, რომ გორც ოკლიუზში,—სთქვა სამატამ.

— მარსელზე რომ შორს არ ვიყავით,—სთქვა მორგანმა,—ზღვის ტალღების ხმაურობა მეგონებოდა.

— არისტოკრატების ჯარი ხომ არ მოდის ჩვენზე გზის გადასაღობად?—შენიშნა პენუმ წარბებზე შეკმუხნილმა.

— ეჰ, ჩემო ძმანო,—გვითხრა ლიმილით მუასონმა:—არაფერიც არ არის, რასაც თქვენ ფიქრობთ—ეს პარიზის ხმაურობაა. ამას შეადგენს ვაჭრების ყვირილი ქუჩებში, ეტლების გრიალი, ხალხის ლაპარაკი, სიცილი, ტირილი, მხიარულება და მწუხარება ათასი ხალხისა. ამ გუგუნში ნათლად ისმის ხმა თავისუფლებისა, ერთობისა და ძმობისა, ხრინწიანი და მძაფრი ხმა სიმძლავრისა. მეგობრებო, ეს გუგუნი ყოველთვის ისმის პარიზის გარშემო ხუთის მილის მანძილზე.

არც კი დაეთვეებინა ამის თქმა, რომ ჩვენ ყველანი უცბად წამოვხტით, თოფებს დავავლეთ ხელი და ერთხმად ეუთხარით:

— მხოლოდ ხუთი მრლის მანძილზე-ღა ვართ პარიზზე! გაუმარჯოს რევოლუციას! გაუმარჯოს მარსელს! გაუმარჯოს ტულონს! გაუმარჯოს ავინიონს!

საჩქაროდ მუხის ტოტები დავამტვრიეთ და შევამკეთ თოფები, ქუდები და ზარბაზნები. მერე გაგუდექით გზას. სიხარულით მთელი ბატალიონი ცეკვავდა.

ვხტოდით, ერთმანეთს ვკოცნიდით, სიხარულათ ვტიროდით და ჰაერს ვაპობდით ღრიალით: „პარიზი! პარიზი! პარიზი!“ მივედით!

ამ აღტაცებამ გაიარა და მერე წავედით მწყობრად! პატარა ხანს უკან ჩვენმა უფროსმა მიგვითთა პარიზონტზე, სადაც ბუნდათ მოსწინადა კოშკები და საჩრეკლოები და გვითხრა:

— აგერ პარიზი!

ბატალიონი წამსვე შედგა! ყველამ თვალი პარიზონტს მიაპყრო. ენა თითქოს სასაზე მიგვეკრა, ძოხუცი და ყმაწვილი უსიტყვოდ, თვალ-ცრემლიანი, გაშტერებით გასცქეროდა პარიზის მხარეს.

უფროსმა გვიბრძანა წასვლა. დაჰკრეს ბუკი და დავიწყეთ დაღებული სიმღერა:



დეპუტატი ლეჟინიკო.

პირველმა მოითხოვა სახელმწიფო სათათბიროში საქართველოს ავტონომია. (წარსულ ნომერში ამ სურათს ქვეშ შეცდომით ეწერა აივანოვი.)

წინ გასწით მამულისშეაღწო,

დაჲ დაგვაგა დიდებისა!


კი არ მივდიოდით, მივებოდით, ისე ავგიტაცა სიხარულმა. მოულოდნელად არისტოკრატის ეტლი შეგვეფეთა. მეეტლე ისე შეშინდა ჩვენ დაწახაზე, რომ გააბრუნა ეტლი და ისევ პარიზისკენ გააქანა.

მზის ჩასვლისას რომელიღაც მდინარე გავიარეთ, გაღმა გველოდა რამდენიმე კაცი, ხელს გვიკნევდნენ, და გვიძახებდნენ:

— გაუმარჯოთ მარსელელებს! გაუმარჯოს რევოლუციას!

ჩვენი რაზმის უფროსი, კაპიტანი და მათთან ჩვენც მივე-

*) იხილე დამატება № 17.



საფრანგეთის რევოლუცია — ხალხის წარმომადგენელთა 1-ლი სხდომა, 1789 წ. 5 მაისს.

ცვივდით ამ უცნობ ხალხს, ისინი გადაგვებვიდნენ და თავი ასე გაგვაცნეს: რებეკი! ბარბარუ! დანტონ! სანტერ!

იმათ მოსდევდნენ დედაკაცი და ბავშვები, რომელნიც გარს გვეხვეოდნენ და ხელებს გვიკოცნიდნენ.

ბოლოს საერთო ალტაცება შეჩერდა და ბარბარუ, სახელგათქმული ბარბარუ, დეპუტატი მარსელისა, მოვიდა ყველასთან სათითაოდ და დაგვკოცნა, მერე გადგა განზე და ხმა მალა წარმოსთქვა:

— ხელო გათენებისას ჩვენ შევალთ პარიზში და პირდაპირ წავალთ მეფის სასახლესთან. სანტერი, საეროვნო გვარდიის უფროსი, დაპირებულია მოვიდეს ჩვენთან ორმოცი ათას კაცით, რომელნიც მზად არიან თქვენსავით შესძახონ: თავისუფლება ან სიკვდილი.

— გაუმარჯოს ბარბარუს! — დავიძახეთ ერთ ხმად.

ზოგმა დაუმატა: „გაუმარჯოს სანტერს!“ უმეტესობას და მეც არ მოგვეწონა ის კაცი. გულ მიუსვლელი სახე ჰქონდა. იმან არც დაგვკოცნა და არც სიხარულის ცრემლი დაღვარა ჩვენთან ერთად. მის სახეზედ ორ-პირობა გამოიხატებოდა და ჩვენს უსახლდრო ალტაცებაზედ ბოროტად იღიმებოდა.

სადაც პარიზის წარმომადგენელნი დავიხვდნენ, ქალაქ გარეთი უბანი იყო, იმ უბნის ხალხი დიდის სიხარულით მოგვგებდა. თითო ოჯახში ორ-ორი და სამ-სამი ჩვენი ჯარის კაცი მიიწვია ღამე დასადგომათ. მე და მორგანი მებაღე წაგვიყვანა და საუცხოვოდ გავკიმასპინძლდა. ვერ წარმოადგენთ რა სასიამოვნო იყო ამოდენა ხნის შიმშილის შემდეგ გემრავლი სასმელ-საჭმელი და ტანთ გახდილი ძილი საწოლში. მაგრამ არ დაგვაცადეს რიგიანად დავგვეცენა.

შუალამის ორ საათზედ ბუკის ხმამ წამოგვახტუნა და მზის ამოსვლისას პარიზს მივახლოვდით. წინ მიგვიძლიდნენ ბარბარუ, დანტონ, რებეკი და საეროვნო საკრებულოს დეპუტატები, იმათ მივდევდით მთელი პატალიონი ზარბაზნებით და ბარგიით.

ის ფაქტი არ მასვენებდა, რომ ყველანი მე დამცინებდნენ, როგორც პატარა ბიჭს, ჯიბეში ორიოდ მაყვალი ვიპოვნე და იმის წყენით სიფთხილით პატარა ულავაშები გავიკეთე.

გამოჩნდა პირველი სახლები სატახტო ქალაქისა. რა სახლები, მეგობრებო, რა სახლები! — ჩვენი საფლის საყდარ-

ზედ მალღები... სა-
მატმა გაშალა თავი-
სი დროშა და მთელი-
მა პატალიონმა დაი-
წყო სიმღერა:

წინ გასწით მამულის
შეიღწე!

ჯგუფი და ჯგუფი
ხალხისა გვეხვედნოდა
და გვეხვეოდა გარს.
ხელოსნები, ჯარის-
კაცი, დედაკაცი
სამეფრის ნიშნებით
თავზე, პატარა გოგო-
ბიჭები ტაშსა სცემ-
დნენ და ერთად ყვი-
როდნენ: „გაუ-
მარჯოსთ მარსელე-
ლებს!“

აშკარად ეტყობო-
დათ, რომ კეთილი
პატრიოტები იყვნენ.
რაც უფრო მეტი
ქუჩები გავიარეთ პა-

რიზისა, მით უფრო მეტი უზარმაზარი და უმშვენიერესი სახლი
ენახეთ და ხალხიც სულ სხვა და სხვა. ყოველ ნაბიჯზე ვხედავ-
დით თმა დაკუთლებულ და გამოპრანჭულ არისტოკრატებს,
სამატი ყველას ძალით ამთხვევინებდა თავის დროშაზე. დრო
და დრო მოაგრიადდნენ დიდკაცთა ეტლები პარიკებ და-
ხურულ და აბრეშუმის ჩულებში გამოწყობილ მეეტლებით
და ლაქიებით. ვხედავდით აგრეთვე პალანკინებს, რომლებ-
შიაც ისხდნენ პუდრით შეგანჯღული, არშიებით და ლენტე-
ბით მორთული გაბუნძილი მარკიზები ოქროს ლილეზიან ხა-
ვერდის ტანისამოსით. ვაი იმათ, ვისაც, ან არისტოკრატებს
და ან იმათ მოსამსახურეს, სამ-ფერი არა ჰქონდა, შევარდ-
ბოდნენ და თითონ უკეთებდნენ ნიშნებს. ამ ღრიანცელში
500 მარსელელი ერთად მღეროდა: „წინ გასწით მამულის
შეიღწე“... ცოტ-ცოტად ხალხიც აგვეყა და დამღერა: „შეი-
არაღდით მოქალაქენო!“ ასე რომ ახლა მარსელიეზს ხუთასი
კაცი კი არა ათი და ოცი ათასი მღეროდა. ყველა სიხარულმა
შეიპყრო, სასიამოვნო და მასთან საშიში სანახავეც იყო პატ-
რიოტიზმით აღფრთოვანებული ხალხი. მე ზარბაზნს მივა-
თრევდი და თან ვმღეროდი. ჩვენს უკან მომავალი ხალხის
ნაკადული ისეთი უშველველი და ზავიანი იყო, თითქო
მარტო ხალხი კი არა, სახლებიც, ხეებიც და მთებიც თან
მოგვდევდნენ.

ბოლოს მივედით ბასტილის მოედანზე. ბასტილის ნან-
გრები საცხე იყო ცნობის მოყვარე ხალხით

თან მარსელიეზს ვმღეროდით, თან გაშტერებული ამ
სანახავით აქეთ-იქით ვიყურებოდით. უცბად ჩამოქვეულ კე-
დელებზე თვალი მოვკარ ლაზულის კლარეთ ხელში, ხან იცი-
ნოდა და ხან ტიროდა სიხარულით და სხვებთან ერთად ყვი-
როდა:


— გაუმარჯოს მარსელელებს!

მაგრამ ეს რას ვხედავ? სისხლი ამივარდა თავში და თვა-
ლები დამიბნელდა. ლაზულის გვერდში ამოჰკარა მშვენი-
ერი, მაგრამ გადაფთვრებული ყმაწვილი ქალი. ეს იყო ადე-
ლინა, მარკიზის ქალი, რომელმაც სიკვდილს გადამარჩინა.

ამ დროს ვილაკამ ფანჯარა დაგვიარხუნა და მოისმია
პასკალის მძის ლანყეს ხმა:

— რას სჩადიხართ? ძილს აღარ აპირებთ? ორი საათია!

მართლაც ორი საათი იყო შუალამეს გადასული და
ვერც კი შევნიშნეთ, როგორ გაიარა დრო. ყველანი საჩქა-



საფრანგეთის რევოლუცია. — 4 აგვისტოს ღამე: ძველ წეს-წყობილების გაუქმება.

როდ ავიშალენით და წავედით სახლში. ზოგან მამლის ყვი-
ლი ისმოდა.

VI

პ ა რ ი ზ უ ბ ი.

პაპა ჩემი მე მგვანდა, არაფრის გულისათვის არ დადგო-
ბოდა, რომ არ მოესმინა მოხუც პასკალის ამბავი, ამიტომ,
უტყველია, მთელი ღამე იმ ფიქრში გაატარა, რა მიზეზი გა-
მოგონა, რომ სკოლაში არ გავეგზავნე, რადგან ორ საათ-
ზე დავიძინე. რასაკვირველია, კიდევ მოიფიქრა, რაკი მეო-
რე დღეს ათ საათზედ ისევ შინ იყო, მაშინ როდესაც ჩვეუ-
ლებად ჰქონდა რიყრაზედ ვენახში წასვლა სამუშაოდ. დედა
ჩემს სთხოვა არ გავეღვიძებინე და, როცა მზემ კარგა მალა
აიწია, უთხრა:

— ვენახში ჩამონგრეული კედელი უნდა შევაკეთო, პას-
კალს წავიყვან, ქვის მოზიდვას მიშველის.

— წაიყვანეთ, რაკი სკოლაში არ წავიდა, გააკეთოს
რამ მაინც.

წავეყვი პაპას სამუშაოდ, მაგრამ კი არა გამოიკეთებიარა,
მთელი დღე გამხმარ ფოთლის გროვებზე მხის სითბოზე მეძი-
ნა. შინ ხალისიანი და მხიარული დაებრუნდი, მაძირისადვი-
ვასზე, ავანთე სანათი და პაპას მიეუტანე. თითქმის სირბი-
ლით მივედით მეჩემის სახელოსნოში და, ის იყო ჩვენ აღ-
ვილს დაესხედით, რომ პასკალმა განაგრძო თავისი ამბავი.

— მგონია იმას ვამბობდი, რომ მოულოდნელად დავი-
ნახე ლაზულის და პატარა კლარეს გვერდით ადვინა. ეს
სანახავი ძალიან ჩქარა მიმდებარა თვალთან, რადგან ხალხის
ბრბოს ჩემდა უნებურად წინ მივეყვდი, ვერც კი მოვასწარ კი-
დევ შემეხედნა და დავრწმუნებულიყავ, მართლა ისინი ვენახე
თუ არა. მეტი ღონე არა მქონდა მივთარევედი ზარბაზნს და
ვმღეროდი: „შეიარაღდით მოქალაქენო!“

სენტ-ანტუანის ქუჩის შესავალში პარიზელი გვარდიე-
ლები წინ გადაგვიდგნენ, იმათ მეთაურობდა სანტერი, რო-

მელიც ორმოცი ათასი
კაცი უნდა მოსუ-
ლიყო ჩვენთან. სულ
ორასი კაცი მოიყვა-
ნა და ჩვენს უფროსს
არწმუნებდა, რომ
თავხედობა იყო ჩვენ-
გან პირდაპირ მეფის
სასახლესთან მისვლა.
იმის სიტყვით ჯერ
მხად არა იყო-რა:
ზარბაზნები, რომე-
ლიც უნდა წაგვეღო
სამსჯავროსგან, სხვის
ხელში იყო, მოსა-
მართლე პეტროს კი
განკარგულება არ
მოეხდინა, რადგან
საერო საკრებულოს
ჯერ არა დაედგინა-
რა. ამიტომ გადა-
წყვიტეს, წავსული-
ყავით ჩვენთვის მომ-
ზადებულ ყაზარმებ-
ში. სანტერი თავის
ორასი კაცი წინ

მოგვიძლოდა და ჩვენაც ცხვრებივით თან მივდევდით.

უშველებელი ბრბო ხალხისა, რომელიც გარე გვეხვეოდა
და ხმაურობდა, განცვიფრებული შედგა, რაკი შეამჩნია, რომ
სასახლისაკენ არ მივიდოდით და არისტოკრატების უბნისაკენ
შეეხვეით. უცბად განელდა ხალხის აღტაცება, ბრბო გაზ-
რუნდა მეორე მხარეს და ნელ-ნელა მოგვიკლდა კბილების
კრაქუნით და მუშტის ღერებით. მაშინ მიხვდით, რომ სანტერმა
მოგვატყუა. ხალხის მხრე ჩვენდამი წყრომა სამართლიანი იყო,
ყოველ ნაბიჯზე ოქროს ეტლები და მორთული პალანკინები
გვხვდებოდა შიგ გამოპრანქულის კაცებით და ქალებით. სამატა
და მორგანმა რომ შეამჩნიეს, რა სიძულვილით გვიყურებდნენ
ის არისტოკრატები, ვეღარ მოითმინეს, გზა და გზა აყენებ-
დნენ მოკაზმულ არისტოკრატებს და პუდრიითა და უმარი-
ლით შეგლესილ ქილებს და ძალათი ამთხვევინებდნენ დრო-
შას და თან ყვიროდნენ: „გაუმარჯოს ეროვნებას! ისინიც
კანკალებდნენ და ტუჩების ბრეცით ასრულებდნენ ჩვენს ბრ-
ძანებას.

იმ უბნის მცხოვრებნი, მოგებების მაგივრად, სახლებში
იმალებოდნენ. კარებების ურდულებით და გასაღებებით კეტვა
გარეთ ისმოდა. ჩვენ კი მივიდოდით და ვმღეროდით მარსე-
ლიეზას.

ბოლოს დაქანცულებმა, ხმა წასულემა, მტვერში ამო-
განგულემა მივიღწიეთ ყაზარმებამდე, სადღაც შუა გულ
პარიზში. სახელი ამ ყაზარმებისა აუარ მახსოვს, ძნელი ის იყო,
რომ საკრებულზე, სასახლეზე და, რაც ჩვენთვის საჭირო იყო,
დაშორებული ვიყავით. დაწყველილი სანტერი! რა რიგად
მძულდა ამისთანა სახის ხალხი!

ყაზარმებში სანტერმა კიდევ სიტყვა წარმოსთქვა, მაგრამ
ისე გაურკვეველად ლაპარაკობდა და ისე ღეჟავდა სიტყვებს,
რომ ნახევარიც არ გაგვიგია. მხოლოდ იმას მიხვდით, რომ
ძალიან სურდა აესხნა, რის მიზეზით არ მიგვიშვა სასახლესთან
და, რომ ჩვენი გული მოგვო, შეგვიბრდა, საღამოზედ ნადიმს
გავიმართათ ელისეის მიწდგრებშიო. მაგრამ მორგანმა არ დაა-
თავებინა მოქარგული სიტყვები და ხმა მალა უთხრა:

— მომიტევეთ, ბატონო პარიზელო, მაპატიეთ, რომ სიტყვას გაწყვეტინებთ, მაგრამ გთხოვთ, მაგ გოგრაში კარგა მაგრა ჩაინერგოთ, რომ ჩვენ პარიზში საქმიანად არ მოვსულვართ, ჩვენ სახლშიაც შეგვიძლიან ბრწყინვალე მზის სხივებ ქვეშ საქმოდ ქაშაც და სმაც. სამასი მილი გამოვიარეთ მტვერისა და ვაი-ვაგლახში მხოლოდ სამშობლოს დასახსნელად და სულაც არა გვსურს ნადიმზე დროს დაკარგვა.

— დამშვიდდით, დამშვიდდით, მორგან! — უთხრა ბარბარემ, — რაკი შეატყაო სხვა კილოზე ლაპარაკი. — შენ მართალი ხარ, მაგრამ, ჯერ დანტონის სიტყვა მოისმინე. ეს ყველაფერს მოაგვარებს და ყველას შეგვარებებს.

დანტონი მაგიდაზედ ავიდა და დაიწყო ლაპარაკი

ოჰ, მეგობარო, ნეტამც გაგვეგონათ მისი ლაპარაკი! ნახევარ საათს შეუსვენებლად ლაპარაკობდა. როცა გაათავა ბარბარე მოეხვია და ერთმანეთი გადაჰკოცნეს. მერე შეგვიპირდნენ, რომ სამის დღის შემდეგ წავიყვანდნენ სასახლის შესაპყრობად.

შემდეგ დაგვირიგეს პური, ღვინო და ლორი. ყველამ ხარბად დაუწყო ქაშა. მე და ვოკლერი-კი ლაზულის მოსაძებნად წავიდით.

თოფები და პარკები ყაზარმაში დავტოვეთ, ჩვენ კი მუნდირებში, დამბაჩებით და ხმლებით გამოწყობილები, წავედით პლანშოს სახლისკენ ბასტილიის ახლო. თუმცა ამ დროს სახლების კარებები და სარკმლები ღია იყო, მაგრამ ხალხი ჯგუფ-ჯგუფად სახლებ წინ მოსიარულე უქმაყოფილოდ გვიცქეროდა. ჩვენ ყურადღებას არას ვაქცევდით, გაჩქარებულნი მოვდიოდით და მზად ვიყავით გვესროლა დამბაჩი, თუ ზელს გვახლებდა ვინმე.

ვოკლერისთვის არ მიუტევეს, რომ ადელინა ვნახე ლაზულისთან, მე თითონაც ვიკვნეულობდი, ხომ არ მომელანდა-მეთქი მისი სახე.

ბევრი სიარულის შემდეგ ჩივადექით პლანშოს სახლს და კარი დავარახეთ. კარი თითონ პლანშომ გაგვიღო, იცი ვოკლერი, ხელი ჩამოართვა, საჩქაროდ გაბრუნდა და გიჟვით დაიწყო ყვირილი:

— ვოკლერი! ვოკლერი! ჩემი მეგობარი ვოკლერი!

იმავე წამს ზევიდან ლაზულის ხმა მოგვესმა:

— ის არის, წავიდეთ ჩქარა, კლარე!

— მამა, მამა! — ყვიროდა პატარაც.

კიბეზედ შევხვდით და ერთმანეთი გადავკოცნეთ.

მერე ლაზულიმ გვითხრა:

— ჩვენ ორნი არა ვართ, ადელინაც ჩვენთან არის. გახსოვს, პასკალ, შენ იმან ბოროტ სურტოს ბრწყინვალედან დაგიხსნა? ჩვენც კი სიკვდილისაგან დავიხსენით ადელინა. თავის თავს აღარა ჰგავს საწყალი ქალი. მერე გაიმბობთ იმის ამბავს. ბებერ ჟიკარს მოჰყავდა დილიწით. ვოკლერ, ხომ ჩვენთან დავტოვეთ ადელინა? — დაუმატა ლაზულიმ და გაგვიღო ოთახის კარი: თუ სამისთვის გვექნება საზრდო, მე-ოთხეც მაძლარი იქნება.

ამ კეთილ ადამიანის სიტყვების გაგონებაზე აკანკალდი, ისე შემებრალა საწყალი ძხუთმეტის წლის ქალი, რომლისაგანაც დიდად დეაღებულ ვიყავი. ერთის წუთის შემდეგ ადელინა ვნახე თვალზე ანთებული და გაყვითლებული სანთელივით. დავეცი მის ფეხებ ქვეშ და დავუკოცნე ხელები. მისი ხილვით ვხედავდი ჩემს სოელს, ჩემს მშობლებს. იმ ხელმა, რომელსაც ვოცნიდი, როდისღაც თეთრი პურის ნატეხი მომაწოდა, მერე ავიხიონში გამომიყვანა სარდაფიდან. მეტად აღელვებული იყო, ხმას ვეღარ იღებდა, მხოლოდ მეხვეოდა და მკოცნიდა, როგორც ლაზული. იმის კოცნით მეშვიდე ცაში აფურჩინდი, მაგრამ უცბათ ვიგრძნე, რომ რაღაც მძიმედ დაემო ჩემს ხელზე. ადელინას გული შეუწყუხდა.

ლაზულიმ საჩქაროდ გაიყვანა მეორე ოთახში და მიაწვინა სტოლზე.

— არაფერია, — სთქვა ლაზულიმ, — აქ ნუ შემოხვალთ, მე ამასთან დავრჩები, უბრალო გულის შეფერებაა. იმდენი იტირა და იტანჯა, რომ მეტის-მეტად დასუსტდა.

მე ვოკლერთან დავრჩი სამზარეულოში, ჩქარა პლანშოც მოგვემატა და ძველმა მეგობრებმა გააბეს ლაპარაკი, აღარც გაათავებდნენ, ლაზული რომ არ შემოსულიყო.


— ჩვენ ქალს გული შეუწყუხდა, — სთქვა ლაზულიმ, — შემოგვხვდა და გვანიშნა, უცხო კაცთან არა წამოგვეცდნოდა-რა ადელინას ვინაობის შესახებ, — დასცხა ძალიან იმ ხალხში, ახლა მამის ნახვამაც შეტად გაახარა, მაგრამ ახლა უკვე არის, ჩქარა სრულებით გაუვლის.

— ჰო, სუსტია, — სთქვა პლანშომ და მიუღერსა კლარეს, თან დაუმატა: — აი, შენ კაცი და გული არ შეგიწყუხდება ჩვენ ყოჩად პატრიოტების დანახვაზე. ლაზული, ხომ არ ინებებთ, ნარინჯის წყალა მოგართვათ თქვენის ქალისთვის? თქვენ კი ნუ მომგობლივებით, მე და თქვენი ქმარი ძმები ვართ და რაც კი ჩემს სახლში მოიპოვება, თქვენთვის მზად არის. ასე არ გელაპარაკებოდით, საზოგადოარი არისტოკრატები რომ იყოთ, რომელთაც გერმანელები მოიწყვიეს რევოლუციის ჩასაქრობად. იმათთვის ამ სახლში არა არის-რა. არა, ვცდები, იმათთვის ტყვიები, ოფის წამალი და გაღვსილი ცულია, მაგრამ მე ვხედავ, რომ თქვენ ძალიან დაღლილები ხართ, დასვენება გინდათ, მე სახელოსნოში წავალ, ბევრი საქმე მაქვს და მცირე კი ვმუშაობ. შვიდი გილიოტინა შემომიკვეთეს, — უთხრა ნელის ხმით ვოკლერს, — ორ კვირაზე იკოპებლებს უნდა ჩავაბარო.

პლანშო საჩქაროდ ჩავიდა ფეხების ბრავა-ბრუგით კი ბეზე.

ელენე ანკონოვსკისა

(შემდეგი იქნება)



„შინაურ მტრებისთვის“ დამსადებელი შიკარადებული ავტომატი

რედაქტორ-გამომცემელი გრ. ს. რეცხილაძე.